



Publicaziuns dalla vischnaunca, jamna 37

Damondas da baghegiar

2019-1032.000

Datum dalla publicaziun: Ils 13 da settember

Il patrun: Vischnaunca Disentis/Mustér, Via Cons 2, 7180 Disentis/Mustér
Il representant: Biro d'inschignier Iso Mazzetta, Via Lucmagn 7, 7180 Disentis/Mustér
Object: Modificaziun da terren cugl intent da meglierar il trassé dalla loipa, parcelas 2882 e 2885 a Sars,
7180 Disentis/Mustér
Intent – Damonda da baghegiar per dall'exposiziun stabiliments ordeifer la zona da publica
baghegiar
– Damonda da runcada
– Annunzia davart modificaziuns da terren

2019-1037.000

Datum dalla publicaziun: Ils 13 da settember

Il patrun: Simone Walser Degonda e Paul Degonda, Via Alpsu 20, 7180 Disentis/Mustér
Object: Sanaziun ed engrondiment dalla garascha existenta, parcella 589, Via Alpsu 20, 7180 Disentis/Mustér
Intent – Damonda da baghegiar per dall'exposiziun stabiliments ordeifer la zona da
Publica: baghegiar
– Damonda per projects da construcziun vid vias cantunalas

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant. Disentis/Mustér, ils 10 da settember 2019
Uffeci da baghegiar Disentis/Mustér

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2019-2075.000

Corporaziun d'aua Las Fontaunas Mumpé Medel, c/o Leo Simonet, Sum Crusch, 7183 Mumpé Medel: nova construcziun d'in begl enteifer igl edifeci nr. 474 sin parcella 2491, Via Sogn Valentin 9.3, 7183 Mumpé Medel.

Nr. 2019-2076.000

Ignaz e Magdalena Deflorin-Spescha, Via Sursilvana 10, 7180 Disentis/Mustér: lavurs da manteniment vid la grunda dil tetg digl edifeci nr. 18 e colurar la cuvrida dil tetg, parcella 904, Via Sursilvana 10, 7180 Disentis/Mustér.

Encunter quellas decisiuns san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 10 da settember 2019

Uffeci da baghegiar Disentis/Mustér



Cussegl da vischnaunca

Il cussegl da vischnaunca seraduna **venderdis, ils 13 da settember 2019**, allas 20.15 en casa communal.

Tractandas:

1. Protocol 21-2017/2020
2. Project da canalisaziun Raveras: Damonda da credit (messadi nr. 37-2017/2020)
3. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Prolungaziun dalla zona da planisaziun

Ils 11 da settember 2017 ha la vischnaunca da Disentis/Mustér relaschau pigl entir territori dalla vischnaunca ina zona da planisaziun cun suandonta intenziun: «Examinaziun da prescripziuns el rom dalla planisaziun locala concernent stabiliments independents per la producziun d'energia alternativa (vent, sulegl, eav.). Tenor conclus dils 28 d'uost 2019 ha la suprastonza communal sin fundament digl art. 21 al. 3 LPT decidiu da prolungir la zona da planisaziun cun sura cuntegn per dus onns entochen ils 11 da settember 2021. Cun disposiziun dils 9 da settember 2019 ha il Departament d'economia publica e fatgs socials dil Grischun lubiu la prolungaziun dalla zona da planisaziun.

Encunter questa prolungaziun dalla zona da planisaziun a vegnir recurriu enteifer 30 dis dapi la publicaziun officiala cun ina protesta da planisaziun alla Regenza dil cantun Grischun (art. 101 LPT).

Disentis/Mustér, ils 11 da settember 2019

Suprastonza communal Disentis/Mustér

Via da meglieraziun Disla–Madernal: Serrada dalla via

Muort las lavurs da construcziun en connex cun la via da meglieraziun nr. G-2 denter la Val Lumpegna e Madernal sto la via da meglieraziun denter Disla e Madernal vegnir serrada per tut traffic motorisau e cun velos sil tschancun naven dalla Val Lumpegna entochen tier la via cantunala a Pardomat. Per pedunzs ei il passadi adina pusseivels. Per velocipedists exista in'utgida (bike e velo) sur Cavardiras. Las lavurs da construcziun cuozan entochen la **fin settember 2019**. Per sclariment stat il biro d'inschignier Iso Mazzetta (Ursin Venzin), telefon 081 943 17 22 bugen a disposiziun. Nus supplichein da prender enconuschientscha da quests avis. Bien engraziament per la capientscha.

Disentis/Mustér, ils 23 d'uost 2019

Uffeci da baghegiar ed infrastruttura Disentis/Mustér

Annunzias per la fiera Sogn Martin

La fiera da Sogn Martin ha liug uonn **gliendisdis, ils 11 da november 2019**, naven dallas 8.00 entochen allas 17.00.

Annunzias per stans da fiera ein da far a scret ni per email cul formular d'annunzia sut www.disentis.ch > Uffeci da baghegiar > Downloads entochen sil pli tard ils 27 da settember 2019.

Annunzias suenter il suranumnau termin san buca vegnir risguardadas. Nus supplichein Vus da prender enconuschientscha ed engraziein per Vossa capientscha.

Administraziun communal Disentis/Mustér



Taxa da cumpensaziun da pumpiers 2019

L'obligaziun da far pumpiers entscheiva all'entschatta digl onn ch'ins cumplenescha il 21avel onn da naschienscha e finescha alla fin digl onn ch'ins ha cumplenu il 45avel onn da naschienscha. Tgi che presta buca survetsch activ ha da pagar ina taxa da cumpensaziun. Tenor art. 15 dalla lescha da pumpiers dalla vischnaunca da Mustér ein students ed emprendists entochen 25 onns deliberai dalla taxa da cumpensaziun. Sur 25 onns ei l'entira taxa debitada. Termin da tagl ei ils 30 da settember. Ei dat negins quens pro rata. Nus fagein attents tut ils **students ed emprendists sur 21 onns** d'inoltrar a scret ina confirmaziun actuala dalla scola ni digl emprendissadi. Il mussament ei da tarmetter entochen sil pli tard gliendisdis, **igl 1. d'october 2019** all'administraziun communal, caum postal 57, 7180 Disentis/Mustér ni per e-mail (rgenelin@disentis.ch). Mo cun ina confirmaziun a scret sa la deliberaziun vegnir risguardada. Gia ordavon grond engraziament per las breigias.

Administraziun communal

Informaziun Center da sport e cultura CSC

Preziadas vischinas e prezias vischins La planisaziun per l'innovaziun dil Center da sport e cultura ei en lavur e prosperescha bein. La suprastonza communal ha ord raschun finanziaria decidiu d'etappar il project CSC. En l'emprema etappa vegn realisau duas tiazas dil project e pli tard la part restonta. Ils architects Huonder Bisquolm Mustér han concepiu il project modular, aschia che nus savein etappar senza pregiudicar il proxim pass. La cumissiun da baghegiar CSC ha previu ell'emprema etappa ina pulita part innovaziun ed ina part sanaziun. Il mument vegn preparau tut ils fatgs e las cefras per ils pass politics.

Plinavon essan nus ussa en la fasa finala cun las contractivas pertuccont la realisaziun digl implont fotovoltaic cun la firma Repower SA. La finamira ei da saver consumar ina part da quell'energia fotovoltaica entras objects d'infrastructura communal.

Ei sespleiga era discuors d'intenziun da collaboraziun pertuccont l'energia fotovoltaica dil CSC e la produziun d'hydrogen (Wasserstoff) cun la fundaziun alpina per la perscrutaziun d'energia AlpEnForCe, la scol'aula specialisada dil Grischun FH GR ed ils investurs ImmoPartnerInvest AG dil hotel «Acla da Fontauna». Nus essan era en contractivas cun igl uffeci d'economia e turissem dil Grischun pertuccont sustegn per projects cun infrastruttura relevonta. La collaboraziun intercomunala per favorisar projects turistics ei il mument buca reussida.

Ei drova davart digl interess public in tec pazienza tochen che nus havein preparau ils fatgs per la missiva. Nus quintein cun ils pass politics igl unviern/primavera 2020.

La cumissiun da baghegiar CSC spera per Vossa capientscha e selegra da saver presentar in bien project en in per meins. *Il president dalla cumissiun CSC Clemens Berther*

Rimnada da pupi

Venderdis, ils 4-10-2019

Adatg! Ei vegn mo rimnau:

gasettas, illustradas, catalogs, cudischs e prospects stampai. Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziell. Nus rimnein buca cartun. Quel sa vegnir deponius a Raveras igl entir onn ora, e quei las mesjamnas (16.00–17.30) e sondas (10.00–12.00) e buca duront la rimnada.

Bien engraziament per Vies agid e sustegn!

Nossa Scola Populara, Mustér, Ch. Berger



«Café rumantsch» a Mustér

Suenter la pausa da stad cuntinuescha il «Café rumantsch » a Mustér, **venderdis, ils 13 da settember 2019**, allas 20.00 ella cafeteria dil Center da sport e cultura. Nus selegrein sin stedia participaziun. Einheimische, Zweitheimische, Zugezogene und Gäste treffen sich regelmässig zum rätoromanischen Austausch. Cordial beinvegni
Lia Rumantscha e Gion Hosang, menader

Corporaziun d'aua

Invitaziun alla radunonza generala

«Las Fontaunas» Mumpé Medel, **sonda, ils 14 da settember 2019**. Allas 20.15 el local «la Scursalada»

Tractandas:

1. Orientaziun e decisiun per la nova varianta d'in niev begl public.
2. Varia

Bugen sperein nus che vus anflies temps per quella unica varianta. *La suprastonza*

Apparat d'udida

Gliendisdis, ils 16 da settember 2019 saveis Vus schar schubergiar e rugalar Vies aparat d'udida:
9.15–10.30 en Casa sogn Martin a Trun
11.00–11.45 en Casa sogn Giusep a Cumpadials
13.15–14.30 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller sorprendan comunablamein quei survetsch gratuit per tuts interessents. Ei drova negina annunzia.

Uniun da dunnas Disentis/Mustér

Workshop «Portafotis»

Cu: **mardis, igl 1. d'october 2019** allas 19.00

Liug: local uniun da dunnas

Infos: ti sas decider denter 27 differentas colurs. Medemamein astgas ti era giavischar in auter maletg ni text per tiu portafotis (igl exemepel anflas ti sin la homepage uddm.ch). Sche jeu audel nuot da tei entochen sil pli tard ils 20 da settember, preparel jeu per tei il medem maletg e text sco sigl exempel. Annunzias entochen ils 19-9-2019 tier Sonia Deflorin, 079 627 04 62, 081 947 53 34 ni soniadefflorin@bluewin.ch

Yoga ni gimnastica dalla damaun a Mustér

Ina scolasta ed in menader da Yoga sco era ina menadra da gimnastica sebrattan per porscher yoga ni gimnastica ad in e scadin che ha tschaffen ed interess. **Naven dils 17 da settember 2019 entochen la fin avrel 2020** purschin nus in'ura da beinstar per tgierp ed olma. Nus s'entupein mintga mardis dallas 8.30–9.30 en halla Cons a Mustér. Igl ei pusseivel da visitar tuttas ni mo singulas lecziuns. Tier mintga participaziun ei da contribuir ina pintga indemnisaziun per cuvierer ils cuosts. Sin bien seveser e cordial beinvegni a tuts interessai.
Las organisaturas, il menader e las menadras



Yoga oder Morgengymnastik in Disentis

Eine Yogalehrerin und ein Yogaleiter sowie eine Gymnastikleiterin erteilen abwechselungsweise eine Stunde Yoga oder Gymnastik. **Vom 17. September 2019 bis Ende April 2020** bieten wir für Frauen und Männer, Junge und Alte, Einheimische und Auswärtige eine Wohlfühlstunde an. Wir treffen uns jeden Dienstag von 8.30–9.30 Uhr in der Turnhalle Cons in Disentis. Es ist möglich, alle oder nur einzelne Lektionen zu besuchen. Bei jeder Teilnahme ist ein kleiner Beitrag zu entrichten, um die anfallenden Kosten zu decken. Wir heissen alle Interessierten herzlich willkommen.

Die Organisatorinnen, der Leiter und die Leiterinnen

Secund Concert spel Rein a Disentis/Mustér

Sonda, ils 14 da settember 2019, allas 17.00 selegra il Chor Las vuschs dil Rein da beneventar in e scadin al concert atunil en halla Cons a Disentis/Mustér. Nus selegrein da saver collaborar e sepresentar ensemen cun il Chor viril dad Altstätten/SG. Vegni, tedlei e gudi ils tuns sonors ensemen cun nus. Da Vossa viseta selegran Las commembras ed ils commembers dil Chor Las vuschs dil Rein sut la bitgetta da Claudio Simonet ed il Chor viril Altstätten sut la bitgetta dad Alexa Mihai.
Disentis/Mustér, ils 10 da settember 2019

Herbst-Kindertreff im Aua Viva

Am **Mittwoch, 25. September**, treffen wir uns von 15.30–17 Uhr zum Kindertreff im Aua Viva. Wir wollen zusammen singen, Geschichten hören, basteln, spielen und Spass haben! Der Kindertreff steht unter dem Motto «Herbst» und ist offen für reformierte und andere interessierte Kinder von ca. vier bis zehn Jahren. Auch Eltern sind willkommen, wenn dies die Kinder wünschen. Weitere Auskünfte und Anmeldung bei Bettina Müller Hendry, 078 808 58 53. Wir freuen uns auf einen fröhlichen Nachmittag!
Yvette Riesen, Eva-Katharina Tomaschett, Susanne Strupler, Bettina Müller Hendry

Uniun da dunnas Disentis/Mustér

Sentupada cun affons pigns e geniturs

La gruppa da seruschnar/termagliar dat la caschun als affons pigns ed als geniturs da sentupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessan plinavon era far queidas als affons da visitar pli tard la gruppa da termagliar «artgin» che ha liug el medem local e nua ch'ils affons stattan persuls duas uras cun las menadras e quei inaga ad jamna. Pils affons eis ei sco d'entrar ella tiara dalla cucagna cun massa novs termagls e tut quei da cumpignia. Vegni e mirei, nus selegrein sin vossa viseta.

Proxima sentupada: **gievgia, ils 26 da settember 2019**

Temps: 15.00–16.30

Liug: Casa da scola Segnas, local artgin, ella 1 alzada

Prender cun: marena e scalfins

Ulteriuras informaziuns e datums anfleis Vus sut www.uddm.ch

Cordialmein envida *Uniun da dunnas, ressort affons*

Uniun da gymnastica UGM

La gymnastica per seniors e giuvens seniors entscheiva **gliendisdis, ils 23 da settember 2019** allas 20.00 el center da sport e cultura. Novizs ein cordialmein beinvegni.
Amicabels salids *La suprastonza*.